



Broj predmeta: 02-000049/20
Broj akta: 01.1-1141SM-009/20
Datum, 13.3.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19), a u vezi s Odlukom o proglašenju stanja prirodne nesreće zbog COVID-19 (korona virus) broj: 43-000096/20, broj akta: 01.1-1141SM-001/20 od 13. 3. 2020. godine i člana 56. Zakona o zapošljavanju i pravima za vrijeme nezaposlenosti („Službeni glasnik Brčko distrikta BiH“, broj: 33/04, 19/07 i 25/08), člana 9. Pravilnika o vođenju evidencija, aktivnom traženju zaposlenja, prijavi i javljanju lica na evidenciju Zavoda za zapošljavanje Brčko distrikta BiH, člana 18. Zakona o zdravstvenom osiguranju Brčko distrikta BiH („Službeni glasnik Brčko distrikta BiH“, broj: 1/02, 07/02, 19/07, 02/08, 34/08 i 34/19), člana 7. Pravilnika o uslovima i načinu ostvarivanja prava iz obaveznog zdravstvenog osiguranja („Službeni glasnik Brčko distrikta BiH“, broj 17/10), gradonačelnik Brčko distrikta BiH i z d a j e

N A R E D B U

Član 1.

Nalaže se Zavodu za zapošljavanje Brčko distrikta BiH da obavijesti sva lica koja imaju obavezu redovnog javljanja Zavodu da će im se za narednih petnaest dana od dana izdavanja ove naredbe automatski produžiti rok za javljanje na evidenciju.

Član 2.

Fond zdravstvenog osiguranja Brčko distrikta BiH dužan je licima iz člana 1. ove naredbe priznati pravo na zdravstveno osiguranje po osnovu statusa nezaposlenog lica.

Član 3.

- (1) Ova naredba se objavljuje na web stranici i oglasnoj ploči Vlade Brčko distrikta BiH, Zavoda za zapošljavanje Brčko distrikta BiH i Fonda zdravstvenog osiguranja Brčko distrikta BiH.
- (2) Za provođenje ove naredbe zadužuju se Zavod za zapošljavanje Brčko distrikta BiH i Fond zdravstvenog osiguranja Brčko distrikta BiH.

Član 4.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
- ④ 4. Zavodu za zapošljavanje Brčko distrikta BiH
5. Fondu zdravstvenog osiguranja Brčko distrikta BiH
6. Sektoru za informisanje (x2)
7. Sekretaru Vlade (x3)
8. „Službenom glasniku Brčko distrikta BiH“
9. Arhivi.

GRADONAČELNIK
Mr. sc. Siniša Milić

